

Rumantsch a l'università da Geneva

Clau Solèr docescha rumantsch dapi 15 onns

DA LUCAS DEPLAZES/ANR

■ **Diversas universitads svizras offreschan studis da rumantsch. Turitg e Friburg disponan d'atgnas professuras rumantschas cun la pussaivladad da terminar ils studis cun il licenziat u schizunt cun il doctorat en rumantsch sco a Friburg, Er Son Gagl, Berna e Geneva porschan in'istrucciun rumantscha.** *Simona Dematté* è tut intgantada da studegiar rumantsch a l'università da Geneva. Ella stat a Losanna e s'interessescha per la lingua e la cultura da sia mamma, *Mierta Huonder* da Segnas ch'è maridada a Basilea. Simona legia La Quotidiana e cudeschs rumantschs ed ha schizunt frequentà curs da rumantsch a Laax. Ella vul terminar ses studi cun l'examen en rumantsch. L'auditura genevrina *Sunier-Induini* emprenda rumantsch per enonuscher in pau la vita da nosa pli pitschna minorità linguistica. Il rumantsch sco ina lingua latina saja fitg interessant per ella.

Clau Solèr docescha gia dapi 1986 rumantsch a l'università da Geneva. Entant che sia assistenta *Anne Zubler* instruescha la grammatica e furma la basa linguistica, stattan per Solèr ils divers aspects da la lingua e da la cultura rumantscha en il center. Actualmain legia ed interpretescha el cun sias studentas e ses students l'ovra pretensiusa da *Vic Hendry*, «Cun l'auter a pèr». In cudesch che dat ina buna invista en il viver, lavurar, crair e sperar d'in pitschen pievel muntagnard. Suenter dus onns ston ils students passar in examen a scrit ed in oral. A scrit ston els esser abels

da translatar in text litterar dal rumantsch en franzos.

L'enconuschientscha da las linguas promova la coesiun naziunala

Sco quai che Solèr è s'exprimì envers l'anr haja l'istrucciun da rumantsch a Geneva duas muntadas. D'ina vart vesia el l'impurtanza socio-politica. L'enconuschientscha da linguatg e cultura favuriseschia la chapientscha e la coesiun naziunala, è Solèr persvadi. Da l'autra vart sa tractia quai dal studi complementar d'ina lingua naziunala, d'ina lingua neolatina. Il studi da romanistica includia natiralmain er il linguatg rumantsch. «Nus accentuain qua a Geneva ord vista dal rumantsch in aspect interessant. Il rumantsch sco lingua minoritara viva ensemen cun ina lingua maioritara che dat la pussaivladad da l'analisa e da la preschentanaziun da la plurilinguitad. Ils students che frequentan quests curs n'emprendan betg simpla-

main rumantsch, els daventan er conscients da la problematica d'ina convivenza bilingua», punctuescha Solèr. Quai saja ina altra regla da convivenza che tranter dus blocs gronds ed equilibrads sco la Romandia e la Svizra tudestga.

Gronda chapientscha per las minoritads

L'università da Geneva haja demussà gronda chapientscha envers las minoritads linguisticas, ha Solèr constatà. Gia 1918 ha l'università da Geneva cumenzà cun prelecziuns davart lingua e litteratura rumantscha. L'onn 1932 è ina professura extraordinaria per rumantsch vegnida introducida definitivamain e surdada ad Antoine Vellelman. Ses succurs èn stads tranter auter: Reto Rudolf Bezola, Lezza Uffer, Ricarda Liver ed Iso Camartin. A partir da l'onn 1986 è Clau Solèr docent a Geneva, dapi 1999 cun in'incumbensa da 50 pertschient.

Cuort e bien

Clau Solèr ei naschiu 1950 a Lumbrein. Leu ha el frequentau las scolas.

Il gimnasi ha el fatg a Stans.

1973 – 1978 suondan ils studis da romanistica, romantsch, talian e franzos a Turitg e Neuchâtel.

1978 – 1990 ha Solèr perscrutau la bilinguitad ella Sutselva, quei vul dir, ils dialects sutsilvans romantschs e tudestgs en Muntogna, Schons e Tumliasca.

Cun la lavur sociolinguistica

«Sprachwechsel und Sprachwandel», ha el doctorau 1983. 1990 – 2000 ei Solèr staus incumbensaus dalla Ligia romantscha cun damondas da linguistica e scolaziun. 1989 tochen 1997 ha el prelegiu romantsch alla Scol'aula da Sogn Gagl. Ussa ha el – sper siu pensum all'università da Geneva – l'incumbensa da survigilanza e d'accompignament linguistic tier il Radio e la Televisun romantscha en pensum parzial.



Clau Solèr (dretg) docescha dapi 15 onns all'università da Geneva.